

JELICH ON ONJELICH

Paul Justen

Von einem well ech öch berichte
Dem et schwer fell zo verzichte
En de jooode aale Zeit
Als en de Faass kei Fleisch me kreit.

Pastue däät von de Kanzel schenne,
Datt jede en de Höll möt brenne
Däe Fleisch ööss en de Fasstezeit.
Dat wäe en Sünd, datt jing zeweit.

Önne en de Bank do sooß
Met ruude Uure oose Kloos.
Huet datt Jewidde dat jing nie
Opp die ärm Sünde die do knie.

Met Ärje hät äe draan jedaach
Datt sei füe kuezem noch jeschlaach.
Allein däe Jedanke meechn inn krank
Aan die Würesch em Fleejeschrank.

Noch dies Morje,- met nem schärpe Metz
Os äe nom Haarschte ropjehetz.
Do hätt de Deuwel inn jeridde,
Als äe en Wuersch sech aafjeschjnidde.

Die Wuersch hätt äe mot ärjem Honge
On Appetitt eraafejschlonge.
Nou meld' sich bei imm datt Jewesse
On nou beraut äe jede Besse.

Seng Joer di hätt inn stärk vedrosse.
„Dou jeiß zue Beich,“ – hätt äe beschlosse.
On do äe sech esu jeschampp,
Jing äe beicht no dem Amp.

Em Beichtstohl äe seng Sünd bekannt.
Do hätt Pastue inn üssjeschannt.
Joof imm als Buß, - joot üwwelääch,
Zwei Rusekränz met op de Wääch.

Kloos daach bei sech: „Däe mich e Spill,
Füe bisje Wuesch wäe datt jet vill.“
Die imm trotz Faass hät jootjeschmeck
Met fette Jreewe, weißem Speck.

Do äe als Hännele woe bekannt
Soot äe zöm Pastue jewannt:
„Jessesmarja, - leewen Häe,
Die Buß es äwwe lang on schwäe.

Bedden ech die Rusekränz wie jebott,
kreien ech vom Frööschoop nix mie mott.
Es dann su bisje Wuesch att Fleisch?“
Su schwatt äe, - meint Pastue wüe weich.

Pastue leet och jett mot sech hannele
On dät die Buß imm dann vewannele.
„Anstatt ze bedde on ze songe,
Brängs dou mie Holz bos üwwe der Ronge.

Su kaans dou bei dem Spelledroohn
Jott z Ie den Buß dann doohn.
Datt os füe dech net vill bequeme,
En fress Loff doch anjehene!“

Däe Boue brommelt jet füe sech
On soot: „Os joot, moe faahre ech!“
Des Moonechsmorje, at rech fröh
Fue en de Bösch äe mot de Kööh.

Däe Boue daach, Schweiß em Jeesiech:
„Ech mmache mie de Buß jet liech!“
Den Woon mot huihe Eiseraade
Dät äe mot Baumäss vool belade.

Die Kööh die hatten richtich Spaß
Als et heimjing mot de Lass.
Die Fue, mem Freidel joot jebonne,
Hätt sech em Farrhoff enjefonne.

Als äe heel mot sengem Woon,
Soch Kloos Pastue am Pöezje stoohn.
„Hou Kloos, dou häss at flöck de Kie
Mie zöm Notz on Jotte ze Ie!“

Äe reff sen Aure, data sech recke.
Für Schreck äe huh seng Ärm data recke.
„Wat brengs dou mie en dengem Stolz
Reise – Äss, - datt es kei Holz!“

Däe Kloos net dat Jesiech vezüch
On meint dann zöm Hochwürden drüch:
„Studiete Häe, dott öch scheniere,
Ie konnt vom domme Boue liere.

Wenn Äss kein Holz, - dat wäe en Streich,
Dann os bestemmp och Wuesch kei Fleisch!